

HARVARD COLLEGE LIBRARY

FROM THE
HARVARD-YENCHING
INSTITUTE


JUN 30 1930

16

Chen...
...
T 1786 / 4204

大成通志

十四卷先賢列傳下



大成通志卷十四 先賢列傳下目錄

十哲冉子慶著

仲子慶著

附錄二

附慶辯說三

言子慶著

附慶說二

卜子慶著

附錄二

附慶說二

顓孫子慶著

附錄一

兩廡澹臺子慶著

附錄一

處子慶著

附慶說二

原子慶著

附慶說二



公冶子慶著

附慶說一

南宮子慶著

附慶說二

公皙子慶著

附錄一

商子慶著

高子慶著

附錄一

附慶說一

漆雕子慶著

附慶說一

司馬子慶著

附錄一

樊子慶著

附錄一

有子慶著

附錄三

附慶說一

公西子慶著

巫馬子慶著

梁子

顏子

冉子

曹子

伯子

公孫子

附錄一

冉子

秦子

漆雕子

顏子

漆雕子

壤駟子

附慶論二

商子

石作子

任子

公夏子

公良子

后子

奚容子

公肩子

顏子

鄒子

句井子

宰父子

秦子

榮子

公祖子

左人子

縣子

鄭子

燕子

原子

顏子

廣子

樂子

叔仲子

邦子

翟子

公西子

子蔑子

公西子

施子

陳子

秦子

菜子

申子

步叔子

顏子

附錄二

附慶說三

大成通志卷十四 先賢列傳下

金臺羅 森約齋甫訂証

上谷劉 斗耀微甫鑒定

古成紀楊 慶有慶甫輯著

瀛海孫際昌名卿甫參閱

冉子列傳

先賢冉子，姓冉，名求，字子有，魯人，仲弓之族也。少孔子二十九歲。

好學博藝，省物而勤，恭老卹幼，不忘賓旅，以政事著名，嘗為夫

子御，得聞庶富之教，仕為季氏宰，齊伐魯，及境，冉有謂季康子

曰：當子之身，齊人伐魯而不能戰，大不列於諸侯矣。康子命冉

有帥師禦之孟武伯帥右師顏羽御邴洩爲右冉有帥左師管
周父御樊遲爲左及齊師戰於郊右師奔潰齊人從之涉泗冉
有用矛以帥衆遂入齊師獲甲首八十齊師宵遁孔子聞之曰
義也既戰季孫謂冉有曰子之於戰學之乎性之乎對曰學之
孔子季康子曰孔子何如人哉對曰用之有名播之百姓質諸
鬼神而無憾求之至於此道雖累千社夫子不利也康子曰我
欲召之可乎對曰欲召之毋以小人間之則可矣時孔子在衛
冉有言於季孫曰國有聖人而不能用欲以求治猶却行而求
及前人也季孫以告哀公使人以幣召孔子○及至也齊地

郊地名齊人謂齊大夫陳瓘陳莊

進則理其官退則受教聖師問三皇五帝不用五刑信乎子曰
聖人之設防貴其不犯也制五刑而不用所以至治也凡夫人
之爲奸邪竊盜靡法妄行者生於不足不足生於無度是以上
有制度則民知所止民知所止則不犯喪祭之禮所以教仁愛
也喪祭之禮明則民孝矣朝聘之禮所以明義也義明則民不
犯鄉飲酒之禮所以明長幼之序而崇敬讓也婚禮聘享所以
別男女明夫婦之義也三皇五帝之所以化民如此故雖有五
刑不用也○問刑不上大夫禮不下庶人然則大夫犯罪不可

以加刑、庶人之行事、不可以治於禮乎、子曰、不然、凡治君子、以禮御其心、所以屬之以廉耻之節也、故古之大人、其有坐不廉、污濊而退放之者、不謂之不廉、污濊而退放、則曰簠簋不飭、有坐淫亂男女無別者、不謂之淫亂、男女無別、則曰幃幙不修、有坐罔上不忠者、不謂之罔上不忠、則曰臣節未著、有坐罷軟不勝任者、不謂之軟罷不勝任、則曰下官不職、有坐干國之紀者、不謂之干國之紀、則曰行事不請、此五者、大夫既自定有罪名矣、而爲之諱、所以愧耻之、是故大夫之罪、其在五刑、或者聞而遣發、則白冠纁纓、盤水加劍、造乎闕而自請罪、君不使有司執縛

牽掣而加之也、其有大罪者、君不使人粹引而刑殺之也、曰子大夫自取之耳、凡所謂禮不下庶人者、以庶人遽其事而不克禮、故不責以備禮也、冉有曰、言則美矣、求末之聞、退而記之、

性多謙退、故夫子進之、問聞斯行、諸子曰、聞斯行之、

唐開元八年、從祀、二十七年、追封徐侯、宋祥符元年、加封彭城公、咸淳三年、進封徐公、明嘉靖九年、改稱先賢冉子、

仲子列傳

先賢仲子、姓仲、名由、字子路、一字季路、魯之卞人也、少孔子九歲、

義勇果斷以政事著聞列於十哲其初見夫子也稟賦鄙嘖過於伉直冠雄鷄佩猥豚言則行也夫子以禮誘之初見夫子冠

雄鷄佩猥豚按劍而舞曰古之君子固以劍自衛乎子曰古之

君子忠以為質仁以為衛不出環堵之室而知千里之外有不

善則以忠化之寢暴則以仁固之何待劍乎。猥音加大豕也

與服殿不同服音加腸病也殿音鍛也修也豚音屯小豕也與

豚別豚音篤尾下竅

遂儒服委質因門人請為弟子夫子進之以學古者始仕必先

書其名於策委死之質於君然後為臣師尊若君故亦曰委質

子路自夫子誘之也後請攝齊以受教遂儒服委質因門人請

為弟子子曰以子之所能而加之以學問豈可及乎子路曰南

山有竹不楛自直斬而用之達於犀革以此言之何學之有子

曰括而羽之鏃而礪之其入之不亦深乎

范氏曰子路勇於為善其失之者未能好學以明之也故夫

子示以六言六蔽皆所以救其偏也

是以尚勇為問而夫子以義教之

輔慶源曰尚義而勇義理之勇也勇而無義血氣之勇也子

路自負其勇疑聖門不以勇為尚也若後來進德益高故不

復以此爲問

以有憂爲問而夫子以樂教之。問君子亦有憂乎。子曰無也。君子之修行也。其未得也則樂。其意既得之又樂。其治是以有終身之樂。無一日之憂。小人則不然。其未得也。患弗得之。既得之又恐失之。是以有終身之憂。無一日之樂也。

慶謂君子之無憂。非有憂而強排遣之。使不憂。蓋君子者。修身理性。仰不愧而俯不怍。渾然天理之流行於日用動靜間。無入而不自得者也。何憂之有。此其教人進勉之方也。若夫自修。尚是終日乾乾。故曰是吾憂也。

以及問士。則曰切。七。俛。七。怡。七。如也。問君子。則曰修己以敬。問事親。則曰盡力事親。問事君。則曰勿欺也。而犯之。問政。則曰先之勞之。問成人。則謂智廉勇義。文之以禮樂。問治國所先。則謂尊賢而賤不肖。子路曰。由聞晉國中行氏。貴賢而賤不肖矣。其亡何也。子曰。中行氏尊賢而不能用。賤不肖而不能去。賢者怨之。不肖者讐之。怨讐并存。其國雖欲不亡。其可得乎。

慶按子路初學於夫子。不免尚多勇躁。而少潛通之趣。故如敬修先勞之間。猶有所問。若夫子不推極其功以教之。何以救其失也。

夫子無不詳而教之。從遊於夫子之門者，久學焉而化其氣質者亦深。從於陳蔡，宿於石門，問津，遇丈人，皆從遊事。

故其事親也。夫子以為生事盡力，死事盡哀。子路見於夫子曰：

負重涉遠，不擇地而休，家貧親老，不擇祿而仕，昔者由也，事二

親之時，嘗食藜藿之食，為親負米於百里之外，親沒之後，南遊

於楚，從車百乘，積粟萬鍾，累茵而坐，列鼎而食，願欲食藜藿，為

親負米，不可復得也。夫子曰：由也事親，可謂生事盡力，死事盡

哀者也。○哀一作思，茵一作細。

其為季氏宰也。夫子稱為知禮。季氏違闈而祭，終日不足，繼之

以燭，雖有強力之容，肅敬之心，皆倦怠矣。有司跛倚以臨祭，其

不敬也大矣。他日祭，子路與室事交乎戶，堂事交乎階，質明而

始行事，晏朝而退。孔子聞之曰：誰謂由也而不知禮乎？

仕為蒲大夫也。夫子三稱其善。蒲，衛邑。子路將治之，辭於孔子，

曰：由願受教於夫子。七曰：蒲其如何？對曰：邑多壯士，難以治也。

子曰：然。吾語女，恭而敬，可以攝勇，寬而正，可以懷彊，愛而恕，可

以容困，溫而斷，可以抑奸。如此加之，則正不難矣。及為蒲宰，為

水備，與其民修溝壑，以民之勞也。與之簞食壺漿，孔子聞之，使

子貢止之。子路忿然不說。往見孔子，曰：由也，以暴雨將至，恐有

水災故與民修溝洫以備之而民多匱食者是以與之夫子使賜止之是止由之行仁也子曰汝以民爲饑也何不白於君發倉廩以賑之而以私食饋之是明君之無惠而見已之德矣。治蒲三年孔子過之入其境曰善哉由也恭敬以信矣入其邑曰善哉由也忠信以寬矣至其庭曰善哉由也明察以斷矣子貢執轡而問曰夫子未見由之政而三稱其善可得聞乎子曰吾見其政矣入其境田疇盡易草萊盡闢溝洫深治此其恭敬以信故其民盡力也入其邑牆屋完固樹木盛茂此其忠信以寬故其民不偷也至其庭也甚清雅諸下用命此其明察以斷

故其政不擾也以此觀之雖三稱其善容盡其美乎

遇孔悝之難也結纓而死夫子哭於中庭

初衛靈公有寵姬曰

南子太子蒯瞶過南子懼誅出奔及靈公卒夫人欲立公子郢郢不肯曰亡人太子之子輒在於是衛立輒爲君是爲出公出公立十二年其父蒯瞶居外不得入謀入衛大夫孔悝家遂與其徒襲攻出公出公奔魯而蒯瞶入立是爲莊公子路爲孔悝邑宰在外聞之而馳往遇子羔出衛城門謂子路曰出公去矣而門已閉子可還矣毋空受其禍子路曰食其食者不避其難子羔卒去有使者入城也門開子路隨而入造蒯瞶蒯瞶與孔

惺登臺子路曰君焉用孔惺請得而殺之蒯瞶弗聽於是子路欲燔臺蒯瞶懼乃下召乞壺壓攻子路擊斷子路之纓子路曰君子死而冠不免遂結纓而死孔子聞衛亂曰嗟乎由也其死矣柴也其來乎遂哭於中庭

慶按蒯瞶欲殺母而得罪於父輒據國以拒父皆無父者也均之不可有國者在聖人得位行道必正其名矣然事之本末天王不知方伯不問夫子且不得正賢者豈能為之哉況子路之仕亦以卑官微祿不為失也食人之食而不避其難慷慨就死從容赴義不賢而能之乎後之議者多謂其死

於過勇其不知賢者之甚矣。

唐開元八年從祀二十七年追封衛侯宋祥符元年加封河內公咸淳三年進封衛公明嘉靖九年改稱先賢仲子

大清順治間榮其後世襲弘文院五經博士一員以奉祀事云

言子列傳

先賢言子姓言名偃字子游吳人少孔子四十五歲

自吳之魯受業於孔子篤信好禮列於文學科聖門由是以習

禮稱其篤信在愛人易使聞而夫子是之。孔子閒居子游問

禮夫子皆以郊社禘嘗饋奠射饗之禮游退而學禮每侍夫子

輒以禮問聖門，號為習於禮者。

嘗從夫子適衛，及仕為武城宰，識為政之大體在於得人。

按子游之得減明，是知為政以得人為先。夫子是問非見信之素恐未然也。

至以道化人，使咸習於禮樂，絃歌而治。

據左傳明文，武城乃用武之地，習俗尚武。子游以道化之，變甲冑而為禮樂，刑罰之不用可見矣。失子焉得不為之喜。

他日對季康子云：先聖雖子貢之賢，亦莫能踰。季康子謂子游

曰：仁者愛人乎？曰：然。人亦愛之乎？曰：然。季康子曰：鄭子產死，鄭

之人，丈夫捨玦珮，婦人捨珠珥，巷哭三月，不聞竿瑟之聲，仲尼之死，吾不聞魯國之愛之若是，何也？子游曰：子產之與夫子，其猶浸水之與天雨乎？浸水所及，人得而知之也。天雨所及，人不得而知之也。

卒葬姑蘇之虞山。唐開元八年，從祀。二十七年，追封吳侯。宋祥符元年，加封丹陽公。咸淳三年，進封吳公。明嘉靖九年，改稱先賢言子。

卜子列傳

先賢卜子，姓卜，名商，字子夏，衛人。少孔子四十四歲。

篤信好學深於儒雅著名十哲夫子進以君子之儒

朱子曰儒學者之稱要識君子小人同為學而何以別之為

君子小人

故嘗言好學

按知亡是欲學未至無忘能是也學有得進學之道無以加

於此矣

言學問而仁在其中

按博切篤近皆學問志思之事未及力行而為仁也然從事

於此則心不外馳而所存自熟仁有不在中哉

習詩能通其義夫子可之子夏讀詩畢孔子問曰爾亦何大於

詩也對曰詩之於事也昭乎若日月燎乎如星辰上有堯舜之

道下有三王之義雖居蓬戶之中彈琴依味先王之風亦可發

憤忘食矣子曰起予者商也始可與言詩也矣然吾見其表也

未見其裏也子夏曰三王之法何以參於天地也子曰奉三無

私以勞天下子夏曰敢問何謂三無私子曰天無私覆地無私

載日月無私照奉斯三者以勞天下此之謂三無私此三王之

德之所以參乎天地也子夏蹶然而起負牆而立曰弟子敢不

承乎

謝氏曰子貢因論學而知詩子夏因論詩而知學故皆可與言詩

受易春秋於夫子受易教詳見年表。自受春秋後得授於公羊高穀梁赤之學皆至聖之志之所在也。

又能傳禮家貧衣若縣鶉。或曰子何不仕曰諸侯之驕我者吾不為臣大夫之驕我者吾不復見。

仕為莒父宰問政夫子以無欲速無見小利示之。莒父魯邑名孔子沒教授於西河魏文侯師之設教於西河有石室學堂文侯師之而謚國政有問樂諸篇。

返衛見讀史者云晉師伐秦三豕渡河子夏曰非也己亥耳讀

史者問諸晉史果然

卒葬曹州西三十里卜母都唐開元八年從祀二十七年追封魏侯宋祥符元年加封河東公咸淳三年進封魏公明嘉靖九年稱先賢卜子

顓孫子列傳

先賢顓孫子姓顓孫名師字子張陳人少孔子四十八歲才高意廣矜張而寡誠信遊於聖人之門其為學也干祿而夫子以慎言行進之

大成通志卷十四
李延平曰古人干祿與後世異蓋胷中蘊藉亦欲發而見諸
行事

見魯哀公不果用見之七日哀公不禮託僕夫而去曰臣聞君
好士故不遠千里而見七日君不禮君之好士有似葉公子高
之好龍也葉公好龍鈎鑿屋室雕文皆寫龍於是天龍聞而下
焉葉公見之棄而逃走失其魂魄是公非好龍也好乎似龍而
非龍者也今師聞君好士故不遠千里見君乃七日不禮是君
非好士也好乎似士而非士也遂去

從學於夫子問仁子曰能行恭寬信敏惠於天下爲仁矣

問禮子曰無禮則手足無所措耳目無所加進退揖讓無所制
是故居處長幼失其別閨門三族失其和朝廷官爵失其序田
獵戎事失其策軍旅武功失其勢

問行子曰言忠信行篤敬云云

問達子曰質直而好義云云

問入官子曰安身取譽爲難子張曰爲之如何子曰已有善勿
專教不能勿怠已過勿發失言勿倚不善勿遂行事勿留君子
入官有此六者則身安譽至而政從矣古者聖王冕而前旒所
以蔽明也紘紘充耳所以蔽聰也水至清則無魚人至察則無

徒枉而直之使自得之優而柔之使自求之揆之奪之使自索之民有小罪必求其善以救其過民有大罪必原其故以仁輔化如有死罪其使之生則善也是以上下親而不離道化流而不蘊此治民之至道也子張既聞斯言退而記之

自敬領夫子之教故能鞭辟近裏着已卒為大賢他日病召子申詳而語之曰君子曰終小人曰死吾今其庶幾乎後世公孫巫謂有聖人之一體云卒葬江南蕭縣堀坊村唐開元八年從祀二十七年追封陳伯宋詳符初加封宛丘侯政和六年改潁川侯咸淳三年進封陳國公升十哲位尋稱陳公明嘉靖九年

改稱先賢顓孫子

澹臺子列傳

先賢澹臺子姓澹臺名滅明字子羽魯武城人少孔子三十九歲

狀貌甚惡欲事孔子孔子以為薄材既受業退而修行正直無私行不由徑非公事不見卿大夫南遊至江今蘇州府南一十八里有澹臺湖豫章有進賢門進賢縣皆其南遊遺跡

而投壁不怯水經云子羽齋千金之壁渡河上伯欲之至陽侯波起兩蛟夾舟子羽曰吾可以義求不可以威劫乃奉操壁右

操劍斬蛟，死波休，乃投璧於河，三投輒躍出，子羽乃毀之而去，示無怯意。河，延津河，在滑州靈昌縣。

從弟子三百人，設取予去，就名施乎諸侯。孔子聞之，曰：吾以言取人，失之宰予；以貌取人，失之子羽。

慶祥家語：子羽有君子之容而行不勝其貌，宰予有文雅之詞而智不充其辯。與闕里誌、史記文異。

墓在交州府鄒城縣。唐開元二十七年，追封江伯。從祀宋祥符元年，加封金鄉侯。明嘉靖九年，改稱先賢澹臺子。

慮子列傳

先賢慮子，姓慮，名不齊，字子賤，魯人。少孔子四十九歲。

按顏氏家訓云：交州永郡城舊單父縣，東有子賤碑，乃云濟南伏生，即子賤之後。是慮與伏通。慶搜覽諸書，多以慮為宓，疑後人謄錄之誤也。今為改正云。

當沖齡之年，游於聖門，能尊賢取友，以成其德。孔子稱之。

按聖人於及門稱許者甚多，至目以君子者，閔子、慮子、南宮子數人而已。然守禮尚德之事，與夫取友，豈其有岐趨哉？

仕為單父宰，多善政。孔子大之，初受命，辭魯君，因請借善書二人，至單父，使書子賤從旁引其肘，書醜則怒之，欲好書則又引

之書者患之、請辭去、歸以告魯君、魯君曰、子賤苦吾擾之、使不得施其善政也、乃命有司無得擅徵發單父、子賤由是得行已志。○辭孔子、孔子曰、毋迎而距也、毋望而許也、許之則失守、距之則閉塞、辟如高山深淵、仰之不可極、度之不可測也、子賤曰、善、敢不承命。○瀕行過於陽晝、曰、子亦有以送僕乎、陽晝曰、吾少也賤、不知治民之術、有釣道二焉、請以送子。○子賤曰、釣道柰何、陽晝曰、夫報綸錯餌、迎而吸之者、陽橋也、其爲魚也薄而不美、若存若亡、若食若不食者、鮒也、博而厚味、子賤曰、善、於是未至單父、冠蓋迎之者、交接於道、子賤曰、車驅之、車驅之、陽晝之

所謂陽橋者至矣、於是至單父、請其耆老賢者而與之共治。○

子賤理單父、彈鳴琴、身不坐堂而治、夫子問曰、子治單父而衆說、子何施而得之也、對曰、不齊父其父子其子、恤諸孤而哀喪紀、夫子曰、是小民附矣、猶未也、曰、不齊所父事者三人、所兄事者五人、所友事者十有一人、夫子曰、父事三人、可以教孝矣、兄事五人、可以教弟矣、友事十有一人、可以教學矣、是士附也、猶未也、曰、此地有賢於不齊者五人、不齊師之而稟度焉、夫子曰、昔堯舜聽天下、務求賢以自輔、夫賢者百福之宗也、神明之主也、惜乎不齊所治者小、所治者大、則庶幾矣。○子賤理單父、彈

琴身不下堂，單父理，巫馬期理單父，以星出，以星入，而單父亦
 理，期間其故，子賤曰：我之謔在人，子之謔在力，任力者勞，任人
 者逸。○孔子見子賤曰：自子之仕，何得何亡？子賤曰：自不齊仕，
 未有所亡，而所得者三，始誦之文，今履而行之，是學益明也，所
 得者一也，俸祿雖少，得及親戚，是以親戚益親也，所得者二也，
 公事雖急，夜勤晝死，視病，是以朋友益親也，所得者三也，孔子
 曰：豈不信哉！○齊攻魯，父老請縱民穫麥，子賤不聽，曰：若使不
 耕得穫，是使民樂，有寇也。○根音伏。

著慮子十六篇，卒葬今鳳陽府壽州南六十里鐵佛岡，舊有碑。

云子賤為魯使吳，死於道，因葬焉。

唐開元二十七年，追封單父伯，從祀宋祥符元年，加封單父侯。

明嘉靖九年，改稱先賢慮子。

原子列傳

先賢原子，姓原，名憲，字子思，魯人。見史記家語以為宋人。○少

孔子三十六歲。

狷介守節，貧而樂道，問仁，而夫子開示之。

按顏子克復私欲，淨盡可以為仁，子思不行力制其私，可以
 為難，夫子所答，是因其所能而進之，於未能也，蓋私欲不

大成通志卷十四
留而天理之本然者得。若但制而不行。容或潛藏隱伏於胃
中而未拔去病根也。故曰難曰不知以急進之。
問耻而夫子廣其志以勉之。

按論語中說有道無道凡八。泛論者三。指人而論者五。南容、
伯玉、武子、史魚、原思是也。有道之世。南容之不廢。伯玉之仕。
武子之智。史魚之直。可也。其教子思以爲世亂而有能守之
節。必須世治而有可行之道者也。於此見夫子進思之心。亦
見夫子東周之志也。

夫子爲魯司寇。子思爲夫子宰。

與之粟九百。辭。子曰。毋。以與爾。

鄰里鄉黨乎。

夫子卒。思遂退而隱於衛。養志忘身。居環堵之室。茨以蒿萊。蓬

戶甕牖。桶桑而無樞。上漏下濕。匡坐而絃歌。子貢相衛。結駟連

騎。中紺而表素。軒不容巷。而往見之。思楮冠黎杖。而應門。正冠

則纓絕。振襟則肘見。納履則踵決。子貢曰。嘻。先生何病也。思仰

而應之曰。憲聞之。無財謂之貧。學而不能行之謂病。憲貧也。非

病也。若夫命世而行。比周而友。學以爲人。教以爲己。仁義之隱。

車馬之飾。衣裘之麗。憲不忍爲之也。子貢逡巡而去。思乃徐步

曳杖。歌商頌而反。聲淪於天地。如出金石。曰。天子不得而臣也。

諸侯不得而友也。故養身者忘家，養志者忘身。且不受孰能
忝之。詩云：我心匪石，不可轉也。我心匪席，不可卷也。

今費縣西一百二十五里有墓在焉。倍呼為原思屯。唐開元二
十七年，追封原伯。從祀宋祥符元年，加封任城侯。明嘉靖九年，
改稱先賢原子。

公冶子列傳

先賢公冶子，姓公冶，名長，字子長，魯人。索隱名萇，一字子芝，齊
人。

子長之為人，其學其行，不詳於經史。遊於聖人之門，猶幸聖人

有數言之稱許，與夫妻之七事，記之魯論。其足為後世學諸所
仰止多矣。

按可妻以其素行取之，非罪以其一事言之。若匡章非孟子
遂為不孝之子，子長非夫子遂為有罪之人。而天下之人幸
而遇聖賢為之表著者，益稀疎矣。

魯君欲爵為大夫，辭而不受。世傳長能通鳥語，貧而闕居，無以

給食，有雀呼之，曰：南山虎馱羊，當亟取之。長往之，果得羊，食而
餘。及亡羊，氏往跡之，得其角，訟之魯君。魯君繫之獄，未幾雀又
呼曰：齊人出師侵我疆，沂水上，澤山旁，當亟禦之，勿徬徨。長語

於獄吏白之魯君魯君如其言往跡之齊師果將及矣發兵應敵遂獲大勝因釋其繫而厚賜之欲爵為大夫長辭不受。一日與魯君遊北苑見羣雀飛鳴而過君曰雀何為者長曰東倉突雀爭奔食粟耳已而果有火報。

卒葬青州府諸城縣西史記云在姑幕廣輿記云在淮安

唐開元二十七年追封昔伯從祀宋祥符元年加封高密侯明嘉靖九年改稱先賢公治子

南宮子列傳

先賢南宮子姓南宮名适史記名括家語名韜一作緇

字子容魯人孟僖子之子懿子之兄也居南宮因姓焉諡曰敬叔獨居思仁謹於言行遊聖人之門以其兄之子妻之

按三復白圭是何等謹言有道不廢是何等施行免刑戮又不苟行言者行之表行者言之實未有易其言而能謹於行者

他日夫子見為君子稱以尚德

慶按當時田恒篡齊六卿分晉三家專魯以力相高而不知貴德况南容亦是三家之子孫尚德不尚力乃有此等識見豈不為人所難

悟聖言，卒能施散。初，敬叔以富得罪定公，奔衛，後得反，載其實以朝。夫子聞之曰：「若是其貨也，喪不如速貧之愈也。」子游侍，敢問。子曰：「富而不好禮，殃也。敬叔以富喪矣，而又弗改，吾懼其有後患也。」敬叔聞之，遂循禮施散焉。

出禮書以存禮，後世識周禮之在魯矣。左傳：哀公三年，司鐸火踰公宮，桓僖廟災，救之者皆曰：「顧府。」敬叔至，命周人出御書，俟於宮。子服景伯遂命宰人出禮書。由是周禮在魯，而典籍尚存者，敬叔之功為多也。

唐開元二十七年，追封郟伯。從祀宋祥符元年，加封襲丘侯。政

和六年，改封汝陽侯。明嘉靖九年，改稱先賢南宮子。

公皙子列傳

先賢公皙子，姓公皙，名哀，字季沉，齊人。索隱名克，史記字季次。是時天下多仕於大夫為家臣，季沉鄙之，未嘗屈節。夫子賞之。孔子曰：「天下無行多為家臣，惟季沉未嘗仕。」

太史公曰：季沉原思，讀書懷獨行君子之德義，不苟合當世，終身空室蓬戶，褐衣蔬食，不厭死而也。四百餘年而弟子志之不倦，此可以知其賢矣。

唐開元二十七年，追封郟伯。從祀宋祥符元年，加封北海侯。明

嘉靖九年改稱先賢公子，今當

題改爲公曾子。

商子列傳

先賢商子，姓商，名瞿，字子木，魯人。少孔子二十九歲。

嘗好易，夫子授之。嘗爲夫子筮，曰：子有聖知而無位，子曰：天也。

命也。鳳鳥不來，河無圖書，嗚呼！天命之也。

瞿傳楚人馯臂，馯音寒，姓馯，名臂，字子弘，一字子弓。

臂傳江東人矯疵，矯音橋，姓矯，名疵，字子庸。

疵傳燕人周豎，一名醜，字子家。

豎傳淳于人光羽，字子乘。

羽傳齊人田何，字子莊。

何傳東武人王同，字子中，一字子仲。

同傳菑川楊何，秦禁學，易以筮卜，得授受不絕，故至今留子木之學焉。唐開元二十七年，追封蒙伯，從祀宋祥符元年，加封須昌侯。明嘉靖九年，改稱先賢商子。

高子列傳

先賢高子，姓高，名柴，字子羔，齊人。齊敬仲高後十代孫也。鄭元

曰：衛人，少孔子四十歲。史記云：少二十九歲。

身長不盈五尺，狀貌甚惡，爲人篤孝而有法，少居魯，見知名於

孔子之門，以爲愚，足不履影，啟蟄不殺，方長不折，執親之喪，泣血三年，未嘗見齒。子路使爲費宰，而夫子責之。

范氏曰：古者學而後入政，未聞以政學者也。蓋道之本在於修身而後及於治人。其說具於方策，讀而知之，然後能行，何可以不讀書也。

後爲成宰，成人格之。成人有其兄死而不爲哀者，聞子羔將至，遂爲哀。人曰：蠶則績而蟹有匡，范則冠而蟬有綏，兄則死而子羔爲之哀，蓋言絲之績者必由乎匡之所盛，然蟹之有匡非爲蚕之績也，爲背而已。首之冠者必資乎綏之所飾，然蟬之有綏

非爲范之冠也，爲咏而已。兄之死者必爲服哀，然成人之服哀非爲兄之死也，爲子羔而已。○匡，蟹背殼似匡，范，蜂也。

又爲衛士師，衛人說之，而夫子善之。爲衛士師，嘗別人之足，及出公之難，子羔出走，郭門，則者守門焉。謂子羔曰：彼有缺，子羔曰：君子不踰，又曰：彼有竇，子羔曰：君子不隧，又曰：於此有室，子羔乃入焉。旣而追者罷，子羔將出，謂則者曰：吾不能處主之法，而則子之足，今吾在難，正報怨之時，而逃我者，三何哉？則者曰：斷足，吾自取之。獄將決，而君愀然不樂，君非私我也，天生君子，其道固然，此臣之所以說君也。夫子聞之曰：善哉，爲吏用法，一

也思仁恕則樹德加嚴暴則樹怨公以行之其柴乎

慶謂一子羔也初為季路使而夫子責之以其未學而不足以治民也後為成宰成人格之為衛士師衛人說之而夫子善之夫成人格之則成人之治也見矣衛人說之則衛人之治也亦見矣學焉而不能治人者衆矣未有不學而能治人者也夫子之於始也責之於既也善之非以其學也哉甚矣不學無術而欲有造於社稷有益於民生未之有也

唐開元二十七年追封其城伯從祀宋祥符元年加封其城侯明嘉靖九年改稱先賢高子

漆雕子列傳

先賢漆雕子姓漆雕名開字子若先聖大訓名憑史記字子開蔡人一云魯人少孔子十一歲

習尚書不樂仕夫子使之仕對曰吾斯之未能信夫子說之

按子若斯之一字甚大其所見處已高於世倍諸儒但不自信處不是賢人謙詞想程子所謂見大意是也

其言人之美也隱而顯其言人之過也微而著夫子稱之夫子問曰子事臧文仲武仲及孺子容此三人者孰賢對曰臧氏家有守龜焉名曰蔡文仲三年而為一兆武仲三年而為二兆孺

子容三年而爲三兆。從此見之。若問三人之賢與不賢。未敢識也。夫子曰。君子哉。漆雕氏之子也。其言人之美也。隱而顯。其言人之過也。微而著。

唐開元二十七年。追封滕伯。從祀宋祥符元年。加封平輿侯。明嘉靖九年。改稱先賢漆雕子。

司馬子列傳

先賢司馬子。姓司馬。名耕。字子牛。論語名黎。家語名黎耕。司馬向。魋弟也。自宋來學。多言而躁。問仁而夫子以詔言造之。問君子而夫子又以不憂不懼造之。

按魯哀公十四年。魋作亂。入於曹。以叛宋。景公使左師向巢伐之。巢不能克。魋奔衛。牛致其邑而適齊。魋自衛入齊。陳成子使爲次。卿牛又致其邑而適吳。七人惡之。而反。趙簡子陳成子皆召之。

卒於魯郭門外。葬於諸丘。與唐開元二十七年。追封向伯。從祀宋祥符元年。加封楚丘侯。政和六年。改封綏陽侯。明嘉靖九年。改稱先賢司馬子。

樊子列傳

先賢樊子。姓樊。名須。字子遲。魯人。少孔子三十六歲。

受教於夫子者最少其初質鄙而率故請學稼圃

子慎行曰請學稼圃蓋治神農欲以耕戰力田建富強之業而不知禮義之教可以服天下去聖人之道遠矣故夫子示以禮義信以端本之道告之或者不知真以為欲學農圃而譏其陋亦淺於論須者矣

他日問知問仁者及覆無已而夫子教之不倦及從遊於舞雩之下而問崇德修慝辨惑則進矣故夫子善之而樊須為右季少仕於季氏齊伐魯及境武叔蒐乘冉求帥左師樊須為右季孫曰須也弱冉右曰年雖少能用命師及齊師戰於郊齊師自

稷曲師不踰溝樊遲曰非不能也不信子也請三刻而踰之如之衆從之

唐開元二十七年追封樊伯從祀宋祥符元年加封益都侯明嘉靖九年改稱先賢樊子

有子列傳

先賢有子姓有名若字子若魯人家語少孔子三十三歲

為人強識好古道重厚和易而又勇於義吳伐魯衛虎欲宵攻王舍有若與焉可謂勇於為義矣

從學於聖門而嘗言仁言禮

按有子論禮說後面一節論仁則究其本源故曰孝弟為本此入道之門積德之基學聖人之學莫此為先未能服行斯言而欲凌高厲空造一貫忠恕之域吾見其自大而無得也

學會子者當自有子孝弟之言始

對哀公則以復徹為言及云夫子以為出類拔萃之聖夫子既没子夏子游子張以有若似聖人欲以所事孔子者事之強曾子曾子曰不可乃止夫子既没曾子曰吾聞之夫子喪欲速貧死欲速朽有子曰是非君子之言也然而夫子有味言之也曾子以告子游子游曰甚哉有子之言似夫子也昔者夫子居於

宋見桓司馬為石郭三年不成夫子曰若是其靡也死不如速朽之為愈也南宮敬叔返載寶而朝夫子曰若是其貨也喪不如速貧之為愈也曾子以告有子有子曰然

史記云孔子既没弟子思慕有若狀似孔子弟子相與共立為師七之如夫子時也他日弟子進問曰昔夫子當行使弟子持兩具已而果雨弟子問曰夫子何以知之曰詩不云月離於畢俾滂沱矣昨暮月不宿畢乎他日月宿畢竟不雨商瞿年長無子其母為娶室孔子使之齊瞿母請之孔子曰母憂瞿年四十後當有五丈夫子已而果然敢問夫子何以知

此有若默然無以應弟子起曰有子避席此非子之座也
洪邁辯曰此兩事近於星曆卜祝之學有子不知何所加損
而據斥之乎孟子稱欲以所事孔子事之曾子不可等言未
嘗深誡也記曰有子之言似孔子則其為諸子所敬久矣太
史公之書於是為失矣且所傳者以道耶抑以貌耶宋子京
蘇子由亦辯之

宋濂曰有若狀似孔子共立為師此鄒魯間野人語耳觀孔
子書則始嘗謀之後弗克舉安有撤座之說乎

唐開元二十七年追封汴伯從祀宋祥符元年加封平陰侯明

嘉靖九年改稱先賢有子

公西子列傳

先賢公西子姓公西名赤字子華魯人少孔子四十二歲

齋莊而肅志通而好禮擯相兩君之事篤雅有節治夫子之喪
而禮備三王之制唐開元二十七年追封郕伯從祀宋祥符元
年加封鉅野侯明嘉靖九年改稱先賢公西子

巫馬子列傳

先賢巫馬子姓巫馬名施字子期史記名期字子旗

陳人鄭康成曰魯人少孔子三十歲

論語止記其述陳司敗數言以告夫子嘗與子路採薪則其志見矣子期與子路薪於韞丘之下陳之富人處師氏者脂車百乘觴於韞丘之下子路謂期曰使子無忘子之所知亦無進子之所能得此富終身無復見夫子也為之乎期喟然曰吾嘗聞之夫子矣志士不忘在溝壑勇士不忘喪其元子不知子與子路慚負薪先歸子曰由何為偕出而先返也子路以告子曰予道不行耶使汝以是願也

及為單父宰而治則其學文見矣事詳子賤傳中

唐開元二十七年追封鄆伯從祀宋祥符元年加封東阿侯明

嘉靖九年改稱先賢巫馬子

梁子列傳

先賢梁子姓梁名鱣字叔魚一三名鯉字子魚

齊人少孔子二十九歲

唐開元二十七年追封梁伯從祀宋祥符元年加封千乘侯明嘉靖九年改稱先賢梁子

顏子列傳

先賢顏子姓顏名辛字子柳魯人史記名幸少孔子四十六歲唐開元二十七年追封蕭伯從祀宋祥符元年加封陽穀侯明

嘉靖九年改稱先賢顏子

冉子列傳

先賢冉子，姓冉，名孺，字子魯。家語名儒，字子魚。

魯人，少孔子五十歲。

唐開元二十七年，追封紀伯，從祀宋祥符元年，加封臨沂侯。

嘉靖九年，改稱先賢冉子。

曹子列傳

先賢曹子，姓曹，名卹，字子循，蔡人。少孔子五十歲。

唐開元二十七年，追封曹伯，從祀宋祥符元年，加封上蔡侯。

嘉靖九年，改稱先賢曹子。

伯子列傳

先賢伯子，姓伯，名虔，字子析，魯人。一云姓右，名石，字析，又字子

楷。一云子楷，少孔子五十一歲。

唐開元二十七年，追封聊伯，從祀宋祥符元年，加封汝陽侯。

嘉靖九年，改稱先賢伯子。

公孫子列傳

先賢公孫子，姓公孫，名龍，字子石。史記名龍。

衛人。史記楚人一云趙人，少孔子五十三歲。

李之藻辯曰史記孟軻傳有公孫龍為堅白異同之辯然未
 敢指為受業孔氏者也至索隱則直以為仲尼弟子宋儒因
 加排詆近儒宗宋遂謂當黜其祀稽其年少孔子五十三歲
 則生於敬王二十二年癸卯龍為平原君之客在赧王五十
 七年則壽殆二百四十餘歲恐無是理也先賢名寵為是即
 使實龍然唐與夏有兩后羿唐與殷有兩伯彘乃以聖門之
 徒與慎到鄒衍之流同類蒙始者一千六百餘載豈不悲哉
 唐開元二十七年追封黃伯從祀宋祥符元年加封枝江侯明
 嘉靖九年改稱先賢公孫子

冉子列傳

先賢冉子姓冉名季字子產魯人唐開元二十七年追封東平
 伯從祀宋祥符元年加封諸城侯明嘉靖九年改稱先賢冉子
 秦子列傳

先賢秦子姓秦名祖秦之成紀人或云衛人魯人陳人皆誤

唐開元二十七年追封少梁伯從祀宋祥符元年加封鄆城侯
 明嘉靖九年改稱先賢秦子

漆雕子列傳

先賢漆雕子姓漆雕名哆字子歛魯人家語名侈

唐開元二十七年追封武城伯從祀宋祥符元年加封濮陽侯
明嘉靖九年改稱先賢漆雕子

顏子列傳

先賢顏子姓顏名高字子驕家語名刻

魯人一云燕人少孔子五十歲

孔子去衛適陳過匡子驕爲僕唐開元二十七年追封瑯琊伯
從祀宋祥符元年加封雷澤侯明嘉靖九年改稱先賢顏子

漆雕子列傳

先賢漆雕子姓漆雕名徒父字子有魯人開之族也家語名從

字子文宋高宗贊字子期

唐開元二十七年追封須句伯從祀宋祥符元年加封高苑侯
明嘉靖九年改稱先賢漆雕子

壤駟子列傳

先賢壤駟子姓壤駟名赤字子徒秦之成紀人也家語字子從

按壤家語作穰宜以壤駟爲姓

唐開元二十七年追封北徵伯從祀宋祥符元年加封上邽侯
明嘉靖九年改稱先賢壤子今當題改爲壤駟子

附論曰孔門七十子散見於天下者皆有專祀而吾鄉之壤

駟子、石作子、秦子、燕子、樂子，獨無專祀於先靈，似覺未妥於人心，甚爲不快。夫燕子、樂子，關中人也；壤駟子、赤石作子，蜀秦子祖，皆成紀人也。成紀之名，其來最遠。按斯地，崑崙毓精，雪山主於後，崆峒分幹，隴山圍於前，鳥鼠珠絲，首陽玉映，黃河遙遶，渭水遐還，而中有卦山、卦臺、龍石、龍馬洞、分心石，諸古跡，是太昊伏羲篤生之區也。而女媧以後，諸聖賢，姑不具論。遐想太昊開物成務之功德，繼天立極，慶嘗以不遍祀於天下爲恨。雖曰不遍祀於天下，而果巍煥其棟宇，誠敬其祀典，盡物盡志於吾鄉，抑可矣。第祠堂列焉，祀事存焉，而廟貌

狎褻，祀事輕薄，豈以太古聖人遠遜於中古，抑以世遠功高，寧忘於今日也。是尼山昭朗於九州，而卦臺終沉於片土矣。安得踵至聖先師之祀，而棟宇之祭饗之崇奉於吾鄉，配饗以文王、周公，從祀以壤駟子、石作子、秦子、張橫渠諸賢耶？是則有望於司大禮者。雖然，祀事固在所望，而更有望者。天地鍾靈，山川毓秀，代七相仍，豈其盛於古而薄於今也。今日者，遠沐大聖宗風，而若壤駟子、石作子、秦子、燕子、樂子之傳道、橫渠之體道、清聖之潔已、謫仙之風流、長吉德興之吟咏，諸類亦可學而至也。是更有望於能行藏者。

又曰今隴西之名、槩古隴西之中而名之也。古隴西之名、又槩古城紀之中而名之也。按茲土西北抵百里、有鳥鼠山、渭水出焉、二百里有奇、黃河還流、西抵九十里、有首陽山、二百里有奇、有雪山、東南二百里、有朱圉山、三百里、有隴山、汧水出焉、東百里餘、有卦山、麓號三陽川、有卦臺、諸古跡、與汧埏塋、有岐山、橫渠、三陽川、固伏羲畫卦之區、鳥鼠、朱圉、皆禹與契導渭所經、渭陽、太公垂釣、岐豐、文王出治、周公制禮、作樂之區也。首陽、彛齊、採薇、汧渭、非子主馬、而橫渠、子厚之所興也。迨太古而中古、中古而近古、人文藹七濟七、宜其今若昔也。何人文之盛乎昔者、卒不能盛於今、豈山水之產、不逮於昔、而風氣之殊、或薄於今也。非然也。有望於興起者、必先有望於觀風者。如其以今視今、何若以昔視今。以昔視今、又何若視今。若昔、倘得教養之栽培之、卽不能如昔之大聖名賢接踵而起。當亦有德性學問文章事功輩、繼近代諸大名公而興者與。

商子列傳

先賢商子、姓商、名澤、字子秀、魯人。史記、字子季、鄭康成云、吳人。唐開元二十七年、追封睢陽伯。從祀宋祥符元年、加封鄒平侯。

明嘉靖九年改稱先賢商子

石作子列傳

先賢石作子，姓石，名蜀，字子明，秦之成紀人也。或作石子，蜀則以石為姓。

唐開元二十七年，追封郿邑伯。從祀宋祥符元年，加封成紀侯。

明嘉靖九年，改稱先賢石子。今當題改為石作子。

任子列傳

先賢任子，姓任，名不齊，字子選，楚人。史記字選。

唐開元二十七年，追封任城伯。從祀宋祥符元年，加封當陽侯。

明嘉靖九年，改稱先賢任子。

公夏子列傳

先賢公夏子，姓公夏，名首，字子乘，魯人。一名守，字乘。

唐開元二十七年，追封元父伯。從祀宋祥符元年，加封鉅平侯。

明嘉靖九年，改稱先賢公子。今當題改為公夏子。

公良子列傳

先賢公良子，姓公良，名孺，字子正，陳人。一名儒，字子幼。

賢而有勇，孔子周遊嘗以家車五乘。從孔子，唐開元二十七年，

追封東牟伯。從祀宋祥符元年，加封牟平侯。明嘉靖九年，改稱

先賢公子，今當題改為公良子。

后子列傳

先賢后子，姓后，名處，字子里，齊人。家語姓石，名處，字楷。一本姓伯，字子楷。一本字堅之，又云字子哲。

唐開元二十七年，追封營丘伯。從祀宋祥符元年，加封膠東侯。明嘉靖九年，改稱先賢后子。

奚子列傳

先賢奚子，姓奚，名容，蒧，字子皙，魯人。家語姓奚，名蒧，字子皙。古史字皙，正義以為衛人。按子皙為奚仲之後，則奚為姓明矣。

唐開元二十七年，追封下邳伯。從祀宋祥符元年，加封濟陽侯。明嘉靖九年，改稱先賢奚子。

公子列傳

先賢公子，姓公，名肩定，字子中，魯人。一云，公肩復，姓。家語名肩，字子仲。史記名堅定，一曰晉人。

唐開元二十七年，追封新田伯。從祀宋祥符元年，加封梁父侯。明嘉靖九年，改稱先賢公子。

顏子列傳

先賢顏子，姓顏，名祖，字子襄，魯人。史記名相，字襄。一名祖，宋人。

唐開元二十七年，追封臨邑伯。從祀宋祥符元年，加封富陽侯。
明嘉靖九年，改稱先賢顏子。

鄒子列傳

先賢鄒子，姓鄒，名單，字子家。一作縣亶，按家語有縣亶而無鄒。單，史記有鄒單而無縣亶，疑卽一人，以姓名音近而誤耳。且史記字子家，匕語字子象，匕字類家，疑亦誤耳。或曰：今宜補縣亶爵號，列諸祀典。亶一作豐，縣音懸，匕亶家語魯人。

唐開元二十七年，追封銅鞮伯。從祀宋祥符元年，加封聊城侯。
明嘉靖九年，改稱先賢鄒子。

句井子列傳

句，正義音句。

先賢句井子，姓句井，名疆，字子疆，衛人。正義字子孟，一作子野。
唐開元二十七年，追封淇陽伯。從祀宋祥符元年，加封滏陽侯。
明嘉靖九年，改稱先賢句子。今當題改爲句井子。

宰父子列傳

先賢宰父子，姓宰父，名黑，字子索，魯人。見家語，史記以罕爲姓，名父黑，字子黑，一字索。

唐開元二十七年，追封乘丘伯。從祀宋祥符元年，加封祁鄉侯。
明嘉靖九年，改稱先賢宰子。今當題改爲宰父子。

秦子列傳

先賢秦子，姓秦，名商，字子丕。見史記，家語字不慈。按左傳及史

記正義引家語之言，皆曰丕茲，則不慈為丕茲明矣。

魯人，鄭康成曰楚人，少孔子三歲，一云少四十歲。

其父董父，與聖父以德相尚。唐開元二十七年，追封上洛伯。從祀宋祥符元年，加封馮翊侯。明嘉靖九年，改稱先賢秦子。

榮子列傳

先賢榮子，姓榮，名旂，字子旗，魯人。家語名祈。鄭康成曰衛人。

唐開元二十七年，追封零婁伯。從祀宋祥符元年，加封厭次侯。

明嘉靖九年，改稱先賢榮子。

公祖子列傳

先賢公祖子，姓公祖，名句茲，字子之。句音鈞，見史記。家語名茲。

魯人，鄭康成曰魏人。

唐開元二十七年，追封期思伯。從祀宋祥符元年，加封卽墨侯。

明嘉靖九年，改稱先賢公祖子。

左人子列傳

先賢左人子，姓左人，名郢，字子行，魯人。史記字行。

唐開元二十七年，追封臨淄伯。從祀宋祥符元年，加封南華侯。

明嘉靖九年改稱先賢左子。今當題改為左人子。

縣子列傳

先賢縣子，姓縣，名成，字子橫，魯人。史記字子祺。

唐開元二十七年，追封鉅野伯。從祀宋祥符元年，加封武城侯。

明嘉靖九年，改稱先賢縣子。

鄭子列傳

先賢鄭子，姓鄭，名邦，字子從，魯人。見家語。史記作鄭國，字子徒。

邦字避漢高祖諱，薛字疑誤。古史亦作鄭邦。鄭康成曰：宋人。

唐開元二十七年，追封滎陽伯。從祀宋祥符元年，加封胸山侯。

明嘉靖九年，改稱先賢鄭子。

燕子列傳

先賢燕子，姓燕，名伋，字思，秦人。家語名級，字子思，或曰魯人。

唐開元二十七年，追封漁陽伯。從祀宋祥符元年，加封沂源侯。

明嘉靖九年，改稱先賢燕子。

原子列傳

先賢原子，姓原，名亢，字籍，魯人。史記名亢，籍正義亢又作亢。家

語名桃，字子籍。

唐開元二十七年，追封萊蕪伯。從祀宋祥符元年，加封樂平侯。

明嘉靖九年改稱先賢原子

顏子列傳

先賢顏子姓顏名之僕字子叔魯人史記字叔

唐開元二十七年追封東武伯從祀宋祥符元年加封宛句侯

明嘉靖九年改稱先賢顏子

廉子列傳

先賢廉子姓廉名潔字子曹衛人史記字庸一字子庸

唐開元二十七年追封莒父伯從祀宋祥符元年加封昨城侯

明嘉靖九年改稱先賢廉子

樂子列傳

先賢樂子姓樂名欬字子聲秦人家語名欣一曰魯人

唐開元二十七年追封昌平伯從祀宋祥符元年加封建成侯

明嘉靖九年改稱先賢樂子

叔仲子列傳

先賢叔仲子姓叔仲名噲字子期魯人家語名會鄭康成曰晉

人少孔子五十歲史記少孔子五十四歲

與孔璇年相比二孺子俱執筆記事於夫子送侍左右孟武伯

見孔子而問曰此二孺子之幼也於學豈能識於壯哉孔子曰

然少成則若性也。習慣若自然也。唐開元二十七年追封瑕丘伯。從祀宋祥符元年加封博平侯。明嘉靖九年改稱先賢叔子。今當題改為叔仲子。

邦子列傳

先賢邦子。姓邦。名巽。字子欽。魯人。索隱曰。家語名選。字子欽。文翁作國選。避漢諱也。

唐開元二十七年追封平陸伯。從祀宋祥符元年加封高唐侯。明嘉靖九年改稱先賢邦子。

翟子列傳

先賢翟子。姓翟。名黑。字皙之。衛人。一作子皙。

唐開元二十七年追封臨濟伯。從祀宋祥符元年加封林慮侯。明嘉靖九年改稱先賢翟子。

公西子列傳

先賢公西子。姓公西。名輿如。字子上。魯人。家語名輿。

唐開元二十七年追封重丘伯。從祀宋祥符元年加封臨胸侯。明嘉靖九年改稱先賢公西子。

子蔑子列傳

先賢子蔑子。姓孔。名忠。字子蔑。家語名弗。

慶按子思稱子思子，所以別孔子也。子蔑仍以孔子為稱，未可也。今正之。凡傳稱某子某姓，皆因是也。

孔子兄孟皮之子，親承家學，嘗有問於夫子。子蔑問行已之道。子曰：知而弗為，不如弗知；親而弗信，不如弗親。樂之方至，樂而不驕。患之所至，思而弗憂。子蔑曰：行已也乎？子曰：攻其所不能，備其所不足，毋以其所不能疑人，毋以其所能驕人。終日言無遺已之憂，終日行無遺已之患，惟智者能之。

唐開元二十七年，追封汝陽伯。從祀宋祥符元年，加封鄆城侯。明嘉靖九年，改稱先賢孔子。今應題改為子蔑子。

公西子列傳

先賢公西子，姓公西，名蒧，字子尚，魯人。史記尚作上。

唐開元二十七年，追封祝阿伯。從祀宋祥符元年，加封徐城伯。明嘉靖九年，改稱先賢公西子。

施子列傳

先賢施子，姓施，名之常，字子常，魯人。家語：字子恒，一曰齊人。

唐開元二十七年，追封乘氏伯。從祀宋祥符元年，加封臨濮侯。明嘉靖九年，改稱先賢施子。

陳子列傳

先賢陳子，姓陳，名亢，字子禽。一字子亢，少孔子四十歲。

陳人陳子車弟，子車死於衛，其妻與其家大夫謀以殉葬，定而

亢後至，以告曰：夫子疾，莫養於下，請以殉葬，亢曰：以殉葬，非禮

也。雖然，彼疾當養者，孰若妻與宰，得已則吾欲已，不得已則吾

欲以二子者，之為七之也，弗果用。

其言見於書傳者，有夫子聞政，伯魚異聞，三端。今開封府太康

縣北二十里有子禽墓，見闕里誌。

唐開元二十七年，追封潁伯。從祀宋祥符元年，加封南頓侯。明

嘉靖九年，改稱先賢陳子。

秦子列傳

先賢秦子，姓秦，名非，字子之，魯人。唐開元二十七年，追封汧陽

伯。從祀宋祥符元年，加封華亭侯。明嘉靖九年，改稱先賢秦子。

琴子列傳

先賢琴子，姓琴，名張，字子開，衛人。家語名宰，文翁圖字子張。

孟子以為孔子之所謂狂者，嘗與宗魯、子桑戶、孟之反三人為

友。子桑戶死，未葬，夫子聞之，使子貢往弔之，或編曲，或鼓琴，相

歌而和。子貢趨而進曰：臨尸而歌，禮乎？二人相視而笑曰：是惡

知禮意哉。子貢反，以告夫子，曰：彼何人者耶？修行無有，臨尸而

大成通志卷十四
四二
聖齋
歌、顏色不變、子曰、彼遊方之外者也、而其遊方之內者也、外內不相及、而其使改往弔之、某則陋矣。○左傳、昭公二十年、衛齊豹見宗魯於靈公、兄孟縶以爲參乘焉、將作亂、而謂之曰、公孟之不善、子所知也、勿與乘、吾將殺之、宗魯曰、吾猶子而事之、今聞難而逃、是僭子也、子行事乎、吾將死以周事子、而歸死於公、孟可也、公孟有事於蓋、獲之門外、齊氏用戈擊公孟、宗魯以背蔽之、斷肱、而中公孟之肩、琴張聞宗魯死、將往弔之、孔子曰、齊豹之盜、而孟縶之賊、改何弔焉、琴張乃止。

唐開元二十七年、追封南陵伯、從祀宋祥符元年、加封頓丘侯、

政和六年、改封平陽侯、明嘉靖九年、改稱先賢琴子、

申子列傳

先賢申子、姓申、名楨、字子周、魯人、家語名績、史記名黨、字周文、
翁名堂

遊於聖人之門、而以剛造之、唐開元二十七年、追封魯伯、從祀、
宋祥符元年、加封文登侯、明嘉靖九年、改稱先賢申子、

步叔子列傳

先賢步叔子、姓步、叔、名乘、字子車、齊人、唐開元二十七年、追封、
淳于伯、從祀、宋祥符元年、加封博昌侯、明嘉靖九年、改稱先賢

步叔子

顏子列傳

先賢顏子、姓顏、名噲、字子聲、魯人、唐開元二十七年、追封朱虛伯、從祀宋祥符元年、加封濟陰侯、明嘉靖九年、改稱先賢顏子、孔子曰、受業身通者七十、有七人、太史公因之、記其有年及聞見於書傳者凡三十五人、無年及不見書傳者止記姓名、今脩食於孔子廟庭、無秦冉、公伯寮、卽鄭單、雖見於從祀、然三人家語不載、

家語亦載七十七人、自魏王肅本止七十六人、缺顏何一人、

其琴牢、陳亢、縣亶、三人、史記未載、而公良孺、秦商、顏刻、叔仲會、申績、五人、有事實、史記缺焉、又琴牢、陳亢、二人、有事實、今祀之、而縣亶、顏何、未與焉、

文翁石室圖止祀七十二人、比家語少公西輿、縣亶、原桃、公肩定、公夏守、句井疆、邦選、顏何、八人、別有遽瑗、林放、申枨、申黨、今石室亦少申枨、申黨、

蘇子由古史記七十九人、其秦冉、顏何、不載於家語、琴牢、陳亢、不載於史記、意以二書不偏廢而并存之云、

慶按啟聖祠配饗季路、子皙、二人、先師殿配饗子淵、曾子、二

入從祀十哲十人從祀兩廡六十二人共七十六人今惟以
得祀饗者列之傳焉。黜祀者闕其事實。其事實未見於論語、
家語、史記、關里誌、諸書、或得之別集者補入焉。

會中載正人自事實與指姓諸又琴平刺式二人自事實
其琴平刺式姓實三人史指未詳而公史載
十四卷終

大清康熙五十一年二月初四日

聖旨朕自冲齡卽好讀書亦好寫字一切經史靡不徧閱成誦

在昔賢哲所著之書間有字句與中正之理稍有未符或

稍有疵瑕者後儒卽加指摘以爲理宜更正惟宋之朱子

註明經史闡發載籍之理凡有撰釋之文字皆明確有據

而得中正之理今五百餘年其一句一字莫有論其可更

正者觀此則孔孟之後可謂有益於斯文厥功偉矣朕旣

深知之而不言其誰言之于朱子宜如何表章崇奉爾等

與九卿會同具議以聞欽此欽遵臣等公同集議得惟我

皇上統紹勳華道宗鄒魯禮明樂備治定功成勤勞萬幾間有

餘暇手不釋卷心惟志學躬聖神文武之德契濂洛關閩
之傳寶額親題昭文明于天壤雲漢永煥樹儀表于人間
彰顯遺徽甄錄嗣裔旣光前而耀後洵振古而超今而尤
于朱子之全集沉潛研極實踐敦行嘗謂朱子發明聖道
執於至正高不入於虛寂卑不雜於刑名使六經之旨大
明聖學之傳有繼孔孟以來爲功弘鉅今特諭臣等集議
優崇之典臣等謹查朱子在孔廟東廡先儒之列應仰遵
諭旨移于大成殿十哲之次配享先聖以昭我
皇上表章先賢之志意奉

旨依議

